



黃公度翁點黃艾陳煒鄭鑑傳第三十六

黃公度字師憲唐御史滔八世孫紹興八年省元免

御試賜進士第一人初任簽書平海軍節度判官兼

南外宗簿有流民數百輩自汀虔下守將疑其變繫

之公度力辨其非悉縱之代還除秘書省正字時秦

檜當國公度坐與趙鼎往來又貽書臺諫譏切時政

檜銜之居數月以言者罷主管台州崇道觀十九年

差通判肇慶府攝南恩守增學廡擇秀民與之登降

楫遜學者用勸南恩自唐貞觀置郡至是始有梁作

心者登第邦人像而祠之二十五年檜死高宗更化

始召還因詢以嶺外弊事公度曰廣東小郡有十年
不除守臣者權官苟且郡政廢弛民受其弊高宗曰
若卿歸吏部當無此弊遂以公度為考功員外郎兼
金部官終左朝請郎累贈正奉大夫公度工詩效杜
甫古律格并雜文凡十二卷號知稼集雜出文獻通
考及方志
翁黥字沂伯乾道二年登第歷湖南轉運判官盡弛
本道酒權提點江東刑獄常平使者行役法饒戶多
貧下民不謂便點貽書諭意亟止之開禧初有旨召
赴行在御史徐樵韓侂胄黨也劾點貪黷嗜進等事
寢召命點聞之上章自辨謂柎私托不行所以貽怒

且侍郎楊輔秘書劉起晦皆今之望也方籍以為國
家元氣楊輔赴召已到夔府值漲未能出峽起晦向
與柎作縣相隣職事相關一旦報怨併及兩人皆論
罷之中外無不失望臣恃與柎有平昔之舊遂宛轉
以言勸之由是大不相樂侂胄見其章大怒於是追
三官送新州安置已而點卒于貶所人皆傷之出泉
州志

陳均續編家
朝綱目備要

黃艾字伯耆乾道八年廷對第二累歷清要朱文公
知漳州奏行經界朝議未定艾轉對入劄子言今日
以天下之大公卿百官之衆商量一經界三年而不

成使更有大於此者將若之何光宗即付出行之淳熙末以秘書丞充嘉王府贊讀已而補外王即位召為右正言兼侍講遷左司諫改權工部侍郎仍兼侍講會朱文公罷講筵艾因進講問逐熹之驟寧宗曰始除熹經筵耳今乃事事欲聞艾恟請再三不聽除中書舍人明年充金國正且使還改刑部侍郎以待制終方盛年人咸惜之

出宋史等書

陳煒字光仲淳祐中為監察御史首論不才執政有令換疏者煒答以頭可斷疏不可換除太府少卿不拜而行召奏事力辭除廣東轉運判官

出通志

鄭鑑官著作郎立朝敢言孝宗謂其直出於肺腑非矯偽者後卒朱文公祭之以文謂其有古爭臣之風

出一統志

黃公度翁點黃艾陳煒鄭鑑傳第三十六

許歐王方傳第三十七

許搏字公執建炎三年進士調泉州教授兼宗教以
叅政謝克家薦召對改秘書省正字累遷監察御史
檢察無苛南渡後典籍文物十無一存歲當科舉故
事無所於考欺偽者衆時以搏多所諳練特遷禮部
員外郎搏辨決真偽士流清肅初宣和間嘗以事忤
秦檜至是檜得政丐祠以宣教郎終時同郡方擴林
廷彥亦有聲擴字端立登紹興二年第歷知閩平陽
二縣部使者上治狀有旨增秩特授臨安府判知岳
州居官奉養如布衣時惟以周貧恤舊為急廷彥字

朝美本路類試第一登紹興二年第調連江縣尉改
永春縣當官俸餘不入私室屬草寇猖獗代者辭難

凡四書考百里按堵民祠之

雜出何志等書

歐陽直卿字溫叟四門詹之後詹晉江人來莆讀書
於靈巖精舍後其子孫皆居莆直卿少嗜學能屬辭
調劍浦縣簿張魏公出鎮福州檄直卿決長樂縣滯
囚材之薦為惠州軍事推官白郡守以河源餘菽麥
令輸送而海豐瘠土聽輸直歲率以為常自清漳以
南山谷多剽鹵守將尸居龍川卒有警而他郡分屯
者不即下直卿數走龍川歷阻隘見將校道勞苦自

是多感慨為之擊賊遷海陽令改知漳浦縣直卿素
有能聲所至號為易治第清卿紹興二年進士終建

寧府教授

出艾軒集

王悅字習之與晞亮同族第紹興十二年進士為人

性直孝宗即位嘗召見極論不可講和上喜謂好議
論遂除官歷國子監丞兼權吏部郎出知衢州乾道
四年七月因禱旱憂瘁而卒衢民德之為立廟事聞

贈直龍圖閣

雜出宋史等書

方應發字君節高祖漸南恩守藏書最富扁其書樓
曰富文子孫相傳為富文方氏應發幼孤感奮自立

稍長有文名第淳祐庚戌進士授臨江軍教授累遷宗學諭史館校勘差主別頭試時相丁大全有密客力囑以子峻却之除太學博士董宗臣方用事應發與學官徐庚金等六人伏闕言之且曰宋臣不死臣等無生不報補外添差通判建寧府召除國子監簿復申前請語益峻切遷國子監丞秘書即時賈似道為相遣其幕客諷應發為文以獻壽不答坐以言者罷去起知潮州適潮陽盜起應發急赴郡招撫皆帖服聽命召入兼權禮部郎官國子司業出知漳州漳賊尤猖獗聞應發威名皆投戈效順吉賊鍾先久窟漳之巖山及是遁去應發遂為定南寨於其地聽民取利巖山不禁龍巖巨賊關維石亦聞風遁汀界會除應發江東提舉未行亟聞于朝劾成將老繆者易之薦有威望者為統制督兵以捕之雖為所擠坐劾予祠不為動卒成擒乃歸奉祠里居而僊遊石手挺諸賊方熾應發身任招捕傾困出帑廩犒兵士登陴指揮悉就俘馘德祐初除國子司業累擢右文殿修撰出為浙東提舉景炎時為刑部侍郎累陞禮部尚書以端明殿學士充福建招捕使宋亡後十年卒年六十六應發以文章進身而排難折衝尤有過人者平居孝

友仁怒因心意藹然當事剛果決烈有奇男子風獨鄉
人鄭鉞記陳文龍事謂文龍以閩廣宣撫繕守興化
時元兵攻圍急應發勸文龍降文龍手劍逐之司業
吳源著莆陽名公事迹亦載其事如此出事迹

許歐王方傳第三十七

鄭茅林陳蔣允陳傳第三十八

鄭昇字元舉淑之後也淑自莆之南湖遷于僊遊其
子孫遂為僊遊人昇登皇祐元年進士第試秘書省
校書郎終循陽理掾蒞官有能聲昇自少刻苦問學
於書無所不讀而允深於易春秋皆有著述以發其
疑義詩文亦工緻可觀

可復昇孫字彥脩嘉定七年登進士第調東陽縣尉
縣人喬行簡方處要路族黨恃勢撓法可復屹然守
正不少屈行簡深器之官至朝奉郎可復性儉朴他
無所嗜好惟喜古書嘗修爾雅及刊戴氏禮祿俸餘

貨悉以市書手自編錄晚年積至數千卷

出仙
谿志

茅知至操尚介潔不求聞達博通墳典倡六經孔子孟
之道以開明人心漕使龐籍疏其德行薦于朝景祐
四年勅補國子助教知縣皇甫當記其事蔡襄書之

出仙
谿志

林大有字亨之自號紫陽翁江州倅一鷄之孫也年
十六即棄舉子業千里求師授六經不爲章句之學
招捕使陳韓將聞于朝授以官大有搖手止勿破戒
咸淳初以子雷龍預薦賜迪功郎命書下僅一御冠
裳拜於庭退即易褐他日語子孫曰生稱善人死表
於墓曰處士吾願足矣及卒四如黃仲元書其墓曰

隱君子云

出人物
備志

雷龍大有子字伯雨魁梧坦易博通經史天文地理
貫穿融液甚爲陳韓所竒咸淳初預鄉薦僂遊寇起
逃難郡城北山方應發檄爲錄事叅軍遷莆田令尋
以宣教郎通判興化軍至元改物以治中署郡事安
集流離震撼以定年餘棄去自號清逸處士長於詩
有耕吟前稿醉吟漫吟後稿又工字學有春山草韻

一百有六字一萬七百有竒

出備
志

陳高字可中闡之從子也少遊湖學補太學生登元

符三年進士第召試除大學錄祭酒龔原司業傳揖
薦其潛心經術尤深於易遷太醫學司業時有紫芝
對產於北堂之左應制撰雙芝記累上封事以切直
許鄉相蔡京慨然力請休致卒官至朝奉郎出方志等書
蔣雖字元肅少博學強記於書無所不覽爲文若不
經思援筆輒數千言鄉先輩宋藻以經傳書疏扣雖
隨問隨答每以南方夫子稱之設席郡庠戶外屢常
滿與林光朝同時十人俱知名號莆陽十先生紹興
十四年試詞賦兼春秋舉于鄉越六年罷兼經科以
詞賦再薦登進士第教授泉州守王十朋見其文大

加賞識遂與定交雖因作夢僊賦以獻十朋稱其詞
新意古蓋長卿賦大人太白賦大鵬之比嘗撰時政
十議十朋見而嘆曰經世之文也泉舊無貢院雖白
守即郡西創焉後知江陰軍乞將歲科綿絹本色內
下戶畸零端兩疋數並無估折細民便之知通州以
郡人張次山坐與程明道邵康節同好惡得罪及陳
瑩中任德翁嘗遷謫于此合爲堂祀之以厲風俗扁
曰三賢秩滿入覲首言江東鹽課較之淳熙七年出
入之數虧二萬緡時主鹽筴者方以衍課增秩上矍
然曰某人欺朕因訪本末雖口誦指畫應對如響上

曰卿材通練當以藩郡處卿雖拜謝上目其背曰方面材也將除贛州爲執政所沮遂退居樸鄉十餘年凡四請祠以壽終子祈字子舉以父任補官侗儻有大志博洽有文才嘉定元年借朝奉郎充持書金國軍前副使三至虜帳議和請還淮陝侵地旣而和議成朝廷方推賞而祈即世矣祈所與交游者皆一時名士而方信孺王居安尤相親密云從子有秋字力父嘉定十年登進士第與王邁同年最相友善居官所至有廉名終朝奉郎知未春縣出僊 谿志尤彬字叔文家貧苦學攻詞賦有聲一時名士如知

崇安縣林澧特延爲館賓葉棠王邁皆與之爲友陳立伯損伯傳澄皆師事之端平二年特奏名調真陽主簿卒于官同邑有喻峙者字景山紹定五年特奏未老即掛冠隱居大飛山中以詩與郡人陳宓相唱

酬出僊 谿志

陳冲飛字季翼經學該貫尤精於易紹定二年特奏名調寧德尉帥曹翕器其才名不敢以屬吏目之號存軒從子堯道登端平乙未第出僊 谿志

陳之亮字漢傑長於詞賦有聲場屋與臞軒王邁爲友後學多宗師之舉于鄉累試禮部不第淳祐七年

特奏名調歸善主簿卒

出僊
錄志

鄭茅林陳蔣允陳傳第三十八

方林柯趙余鄭傳第三十九

方秉白字直甫號草堂隱居教授林光朝方翥劉夙
劉朔諸名士皆其友也孝宗朝憲臣以孝廉薦不起
傳家惟書數厨而已郡守趙彥厲嘗辟脩莆陽志後
以子阜鳴恩贈朝散大夫有草堂文集同時翁允字
柔中一字子西號荔枝臺隱居濠林教授後學亦嘗

與脩莆陽志

出通志
等書

阜鳴字子默嘉定元年由特奏名調泉州僉判時真
德秀為守阜鳴嘗言滅門刺史破家縣令此衰世事
古人惟曰愷悌君子民之父母而已德秀擊節嘆賞

改鎮南軍僉判阜鳴宿儒而兢畏抑損特甚於他人
性清儉居官秋毫不苟取德秀每以其仕晚用小爲

恨云出通志

方汝一字清卿曾祖秉侯與其群從秉白同時有隱
操父碩子登端平二年第爲南海尉汝一幼竒逸考
古著書自娛所著易論二十篇江東將相論十篇評
兩漢史贊若干篇又有詩文號小園僻藁嘗袖所評
班書謁劉克莊克莊曰范史罕讀者僕欲稍添注脚
病耗未能君有意乎汝一遂接讀范史著新評甫脫

藁卒出備志

林大鼎字梅卿蘊九世孫也登紹興五年進士秦檜
薦用之由諸王宮大小學教授兼秘書省校勘書籍
官遷太常寺簿兼尚書郎歲率一遷由簿爲丞由丞
爲監察御史又擢殿中侍御史俄拜右諫議大夫兼
侍講率歲中再遷遂權吏部尚書檜以高宗且屬意
大鼎亦頗忌之間一歲遂出知泉州丁外艱服除以
左朝散郎提舉江州太平興國宮尋卒大鼎初識林
艾軒於逆旅艾軒方感暑疾陽結胸滿壘壘然枕席
視之者毛豎不自定大鼎獨取藥囊曰一再往爲之
執劑餌無厭去意士多義之平生好書卷音篇隱秩

衍辭要語悉能道之劉著作夙狀其行謂公與鄭湘
邛岸皆為場屋案裁有名稱者湘鄉出語險處視蜀
邛邛處抵秦川公乃抉竒摘恠窮討極取枝枝相亞
自以為王勃吳融如可作未應獨步也艾軒亦謂建
炎之初元祐聲律翩翩然復起當其時諸老先生散
落無幾有以蟲鳴卉木樓臺煙霏尺校寸量珠旋玉
積賤杜牧吳融若不足道惟公為然耳子四人寶慈
寶儉皆以父任補官山林艾軒集等書
柯夢得字東海屢上春官不第嘉定七年以特科入
官一生苦吟古詩學孟東野有抱甕集及選唐絕句

行世出通志

趙庚夫字仲白舉進士不第以宗子取應得右選平
生志業無所洩一寓於詩嘗自刪取五百首既歿劉
克莊擇百篇為山中集屬趙以夫序而傳之子時願

擢進士甲科仕至工部侍郎出趙志等書

余謙一字子同祖奭之玄孫師魯之子也謙一與弟
士明連中江西漕試而謙一第咸淳元年進士士明

亦以進士得官按事述不言其第進士在何年而謙一科名志不載士明之名姑缺之

調泉州石井書院山長召為國子監書庫官除太學
博士改宗正寺簿差知化州元至元後不仕士明亦

知泉州南安縣謙一好為古學辭語渾成而警切名
文章家其言曰七日之文易了而易腐千古之文難
工而難腐著述數十藁兵後多散逸出近記

鄭鉞一名少偉字夷白號雲我露之裔也咸淳中特

奏名與黃仲元郭陞俱閩中之望仲元號四如自有傳陞長樂人元時

為興化路教授宋末陳文龍守興化軍鉞其門客也嘗記文

龍遺事其言甚痛憤激烈詳見文龍傳入元不復仕嘗與

陳子修雒校通志略盡復夾深聯比銓次之舊詳見陳旅

傳入元著孔子年譜仲元序之謂是譜首以聊大夫

二事歷卷前書所未有謂儀封人請見為由魯適衛

時謂魯公問政及荅季康子數問皆歸魯以來事此

見又確謂夫子未嘗師剡子謂行乎季孫三月不違

斯言非知夫子者此論又高又鉞所著詩文有雲我

存稿亦仲元為序

方林柯趙余鄭傳第三十九

陳文龍陳瓚傳第四十

陳文龍字君貴高祖宋卿與丞相俊卿為初從兄弟

陳至俊卿始大文龍濡染先訓厲志殖學工文詞負

氣節初名子龍咸淳五年廷對第一度宗易其名文

龍丞相賈似道愛其文雅禮重之由鎮東軍節度判

官歷崇政殿說書秘書校書郎數年拜監察御史皆

出似道力然自十數年似道所置臺諫皆闡其臺中

相承凡有所建白皆呈藁似道始行至文龍為之獨

不呈藁已忤似道知臨安府洪起畏請行類田似道

主其說文龍上疏以為不可似道怒寢其疏襄陽父

林氏出余漢卿第三十五

陳文龍字君貴高祖宋卿與丞相俊卿為初從兄弟
陳至俊卿始大文龍濡染先訓厲志殖學工文詞負
氣節初名子龍咸淳五年廷對第一度宗易其名文
龍丞相賈似道愛其文雅禮重之由鎮東軍節度判
官歷崇政殿說書秘書校書郎數年拜監察御史皆
出似道力然自十數年似道所置臺諫皆闡其臺中
相承凡有所建白皆呈藁似道始行至文龍為之獨
不呈藁已忤似道知臨安府洪起畏請行類田似道
主其說文龍上疏以為不可似道怒寢其疏襄陽父

被圍似道日恣淫樂不少加意時陽請督師而陰使其黨留已竟失襄陽文龍上疏極言其失范文虎總師無功似道庇之以知安慶又除趙潛知建康黃萬石知臨安文龍言文虎失襄陽今反見擢用是當罰而賞也潛乳臭小子何以任大閫之寄萬石政事怠荒以為京尹何以能治請皆罷之似道大怒黜文龍知撫州旋又使臺臣李可劾罷之未幾呂文煥導元兵東下文虎首迎降與文煥俱東似道兵潰魯港潛最先遁以故列城從之皆遁始悔不用文龍之言起為左司諫尋遷侍御史時邊事甚急王燾與陳宜中不能畫一策而日坐朝堂爭私意潛說友以平江降臺臣請籍其家燾以為可宜中以為不可張世傑諸將分四道出師而大臣不監護臺諫論之燾請行邊下公卿雜議宜中請出督師又下公卿雜議文龍上疏曰書言三后協心同底於道北兵今日取某城明日築某堡而我以文相遜以迹相疑譬猶拯溺抹焚而為安步徐行之儀也請召大臣同心圖治無滋虛議其後宜中與燾終不相能而去至十月始來事已不可為矣是冬累遷文龍至叅知政事於是張世傑之師敗焦山文天祥之師敗獨松關朝廷急徵二人

入衛而元兵已進至杭北關外文龍請身督殿旅合
江下義丁決一死議不合張世傑等遂以益王廣王
趨閩衆議降元文龍乃上章乞歸養既出國門而悔
之復上疏求還不報乃歸五月益王稱制于福州改
元景炎復以文龍參知政事八月漳州畔以文龍為
閩廣宣撫使討之文龍以黃恮前守漳有恩信辭為
參謀官按兵泉州使恮入招撫之恮至民皆頓首謝
罪與化有石手軍者能擲石中人議者以其不足用
罷之石手軍亦畔復命文龍為知軍平之十一月元
董文炳阿剌罕等以兵至福州益王趨廣州命文龍
依前官充閩廣宣撫大使於是殫家財募萬兵即興
化軍開閩已而降將王世強復導元兵入廣建寧泉
福皆降知福州王剛中遣使徇興化文龍斬之而縱
其副以還使持書責世強剛中負國遂發民兵自守
製生為宋臣死為宋鬼兩大旗植軍門巡城則命持
以前導十二月太學生盧澤啣命諭降文龍斬候卒
注其頭槩上徇軍前澤逸去叛將陳淵林華潛附于
元軍為之嚮導詭文龍援兵至開閩納之計議官李
珙首倡軍民迎順小校黃泰躍馬突至設廳稱有太
皇太后詔逼驅文龍出併其家盡俘以去

按宋史本
傳云時城

中兵不滿千元兵來攻不克使其姻家持書招降之
文龍焚書斬其使乃使林華俱伺境上華即降且導
兵至城下通判曹澄孫開門降執文龍與其家人文
至軍中此與事述所載微不同蓋記有詳畧也

龍至福州見董文炳等不屈左右凌挫之文龍指其
腹曰此皆節義文章也可相逼耶尋命左右引就館
元帥唆都徃來諭意且以母老子幼感動之文龍曰
宋無失德三宮北狩二邸深入瘴煙何必窮兵至此
我家世受國恩萬萬無降理母老且死先皇三子岐
分南北我子何足關念情詞慷慨唆都愀然改容乃
械繫送杭州文龍去興化即不食至杭餓死其母繫
福州尼寺中病甚亦不肯服藥左右視之泣下母曰

吾與吾兒同死又何恨哉亦死衆嘆曰有斯母宜有是

兒為收瘞之按事述云董文炳等為送其母歸莆蒲壽與宋史本傳及家狀不合蓋誤也

庚以泉州降元告其民曰陳文龍非不忠義如民何聞

者笑之始文龍答侍郎許自書曰國事至此惟當決一

死以守又曰不愛一身死不愛一家死但欲存趙氏一

脉又復唆都書曰平生讀書但識孟子效死勿去向左

傳有殞無二句他非所知也又有風其納款者文龍曰

諸君特畏死耳不知此生能不死乎文龍死志素定故

卒能以身徇國而無少係累焉後訃聞行朝詔謚忠肅

賜廟號昭忠雜出宋史本傳及事述等書元至正間朝廷特遣宣使

李文虎齋詔至郡尋訪文龍子孫將錄用之而卒無一人應之者蓋其流風遺烈傳至其子若孫而猶未艾云

郡人鄭鉞號舒堂文龍客也嘗著文龍遺事

大槩俱已見本傳

有曰初蒲壽庚以泉州降宜中督贊方應發有異志勉公少屈公責以大義手劍逐之及林華等詭稱印家兵赴援公開關延之小校黃泰躍馬至稱太皇有詔公朝服西向再拜曰臣得死報陛下矣瞑目叱泰曰奴敢殺我乎遂抽刀欲自裁而肘已為左右所執有奪刀以去者遂擁公上馬至營二十五大將擐甲出公下馬據胡床瞪視忽民間火發公延頸進曰速殺我無害百姓甲

者愕傳令偵縱火者斬之既明盡室俘以行先是杭人夢兩街騶閔傳言岳武穆代者至密視之則公也及至杭謁岳王廟一慟幾絕語監者曰吾病矣留宿廟下以其夕卒時年四十六又曰公負六館盛名魁天下士不八年起登政府時事且急惟以皇帝所賜馬自隨每控轡輒於邑淚下及被執薨馬亦尋斃公為人敦信義初授蔭補不以澤其子而以澤其弟繼執政推恩不以恩其門館而以恩其故人即之謙謙若甚懦及當事乃更不草草亦天性自爾景炎公入覲督相文天祥自金陵來會相與慟哭國事首議分

重臣出督不報既而北警傳至即報可而國事去矣
公竟不屈死杭文公竟不屈死燕宋三百年其未造
也江閩兩大魁出俱以節死嗚呼公死國予負公予
負公因記憶述公遺事如右使予幾年不死假有物
色前代逸史者使我遺事得白公大節吾不死又何
待哉推書撲速東恐當淚下沾土

陳瓚字瑟玉太府寺丞宓之孫參政文龍之從叔也
瓚少有大節宋末未知必亂無仕進意於是散粟帛以
濟饑寒白吾家世受國恩當為國收民心耳及賈似
道潰師蕪湖起文龍執政瓚語文龍曰今天下之勢

已危列郡皆團兵自守此不足以討賊適足以餌賊
也為今之計莫若勸上盡召天下之兵屯聚沿江要
害擇賢王與文武才幹之臣分督之敵若來戰併力
齊奮則國猶可為也文龍撫然曰叔父之策固善然
柄國非人恐不能用是行也某必死之德祐丙子五
月張世傑等以益王卽位福州八月廣州亂以文龍
充閩廣宣撫討之十一月帝趨海命文龍開閩興化
瓚率家財三百萬緡航海以助張世傑贍軍世傑欲
授以官瓚曰吾為忠義所激而來豈買爵耶不受辭
歸十二月叛將林華陳淵與通判曹澄孫以城降元

文龍被執北去瓚曰吾姪不負國吾當不負吾姪即
陰部署賓客募民義景炎二年二月晦以兵攻林華
等誅之復興化軍以其首告于祖廟遂獻于朝端宗
嘉其忠義命以通判權守興化且令乘勝與世傑犄
角復福泉二郡九月元唆都以兵攻興化瓚號令嚴
整每巡城必南向號慟士皆感奮十月既望元兵蟻
附登城瓚力不能支又率家丁民義五百人巷戰元
兵死者千餘瓚被執唆都欲降之瓚罵不屈唆都大
怒車裂於五門以徇屠城三時血流有聲張世傑以
其事聞贈兵部侍郎謚忠武子二長若水張世傑辟

為督府架閣次景濟

述出

陳文龍陳瓚傳第四十

林阮陳宋方林卓傳第四十一

林冲之字和叔係出晉晉安太守祿其後自晉安徙居莆之長城至唐殿中侍御史謹又析居刺桐巷兄深之熙寧九年進士調松溪尉南劍州錄事參軍侍御史張汝賢察訪閩部見建劍訟牒堆積委深之理之時他郡連起大獄追逮相屬于道二州獨賴深之以免及為福建觀察推官其使無鉅細事一聽深之處裁以朝奉即致仕冲之元符三年進士調邵武軍司戶參軍崇寧中詔群臣舉中外學官冲之以諸名卿交薦得杭州教授秩滿諸生復請留之在杭六年

乃代去出何志歷御史臺檢法官太宗正丞都官金

部郎以不能阿當路滯省寺者十年出守臨江南康

靖康初召為主客郎中金人再來侵詔副中書侍郎

陳過庭使金所厚者咸危之勸使勿行冲之曰人臣

事君生死以之此何時而可辭王事耶遂行同被拘

執初猶給乳酪文虛中受其命金人亦以是邀

之冲之奮勵見詞色金人怒徙之奉聖州既二年過

庭卒金人逼冲之仕偽齊不屈徙上京又不屈置顯

州極北洹寒之地幽佛寺十餘年漸便飲茹以義命

自安髭髮還黑病亟語同難者曰某年七十二持志

入地無恨所恨者國讎未復耳南面一慟而絕僧窆

之寺隅洪皓還朝以聞詔與二子官出宋史忠鄭樵

哭以詩曰官似馮唐能老去節如蘇武不生還蓋深

悲之子郁從子震震郁宣和三年進士調解州司刑

叅軍州兵以衣賜不均訕訕謀為變郁言於部使者

均之乃定咸曰生我者司刑君也再調福建茶司幹

官靖康初建州勤王卒自京師還求卸甲錢郡守張

動持不與曰事屬計司衆恚取庫兵為亂殺轉運使

毛奎判官曾存主管文字沈昇郁聞變急入諭卒曰

爾不見江寧錢唐事乎周德輩今皆安在爾等自父

祖隸禁軍衣食縣官國家何負於爾危急不能立尺
寸功尚不知爲性命計耶衆業已殺轉運官徑前取
郁郁且罵且叱至死不絕聲事聞詔各與一子官震
父渙之官至朝奉郎震累官左正言權給事中以論
諫不得其言遷太常少卿除直秘閣歷知鎮江府時
蔡卞王夫人得請賜地建閣儲御書因取素所不快
者腴田并有其禾震俾償之王志上其事朝廷移震
守汝州部使者祝林受中人旨籍魯山民田五萬頃
入御府以爲冒耕官田民誘亡命謀爲變震遣錄事
于諤諭以禍福令輸租佐御府列上其狀詔部使者
履畝定租召入除起居郎遷秘書少監卒震志在攻
京卞多論列自號介翁震父澤之冲之弟也震登第
太宰余深侍郎許將皆欲妻之震曰若人之女安能
事吾母兩辭之累調烏江丞縣舊有河歲久湮蕪權
貴墾爲田震斥而導之無所畏避溉田數千頃歲以
大稔邑人祠之靖康初從父冲之被命使金震三上
書請代往不報還里不復仕紹興中秦檜以震有庠
序之舊召爲詳定司勅令所刪定官震見檜曰公忍
以二帝置萬里外易一相位乎力辭去檜死轉承議
郎通判衢州遷湖州以二寡姊年垂八十不欲遠宦

告老而歸寔篤行義未嘗干進入仕四十年歷官五
任而已在南陽時與趙不群同僚有監司逞私憾以
事囑趙趙謀於寔寔曰吾人初委質行已之道當
此始其可以一生名節而徇他人乎及趙知建州
寔書曰不群終身不墜小人之域者賴公南陽之一
寔博學深象數人謂邵堯夫之後惟寔得其傳與
樵爲金石交林光朝嘗師事之聚書數千卷皆自
讎謂子孫曰吾爲汝曹獲良產矣莆人稱其忠義
氏寶慶三年即其所居立祠寶祐中又給田百畝使
備祭享以勸忠義

雜出宋史冲之傳及何志等書

阮駿字千里祖遵慶曆進士節度推官父之才元豐
特科知南雄府駿紹聖元年進士監台州稅方臘犯
台州守委以防禦事駿率兵射賊踏死五百餘人賊
亟引退置書褒獎轉朝散即建炎元年除河南少尹
兼西京留守是冬金人南寇駿與孫昭遠率兵拒戰
不利駿以神御在府亟收兵護神御殿以餘兵再戰
又敗乃抱神御指賊大罵死之事聞朝廷褒贈三官
進朝議大夫

雜出宋史本傳等書

方臘之難金寇之禍死事者

又有葉居申徐漑居申元符三年進士通判睦州賊
臘方起居申不避難而前到官與戰不利死事聞官

其二子灑字叔清奉議大夫銳之子以世賞入仕高宗幸維揚虜騎侵逼臣僚奔潰灑以國子監丞護駕渡江殞於難紹興初特授將仕郎官其一子雜出比事等書陳淬字君銳紹聖初下第挾策西遊時呂惠卿帥廊延淬戎服往見惠卿問相見何事淬曰大丈夫求見大丈夫又何事乎惠卿器之補三班奉職與西人接戰于烏原手殺十餘人擒其砮主奏為左班殿直廊延路兵馬都監累遷武經郎丁外艱宣和四年召赴闕授真定路分都監兼知北此河北第一將尋拜忠州團練使真定府路馬步副總管七年金人入真定

淬以孤軍禦之妻孥八人皆遇害建炎元年辟諸軍統制宗澤命擊金人於南華敗之兼大名府路都總管兵馬鈐轄擢知恩州王善者金之種落也擁兵十萬長驅兩河遂襲恩淬與長子仲剛拒戰賊飛刃及淬仲剛以身蔽刃死之明年善復圍陳州淬大敗善兵拜宿州安撫使李成叛詔以淬為御營使六軍都統淮南招撫使討之三戰三捷未幾金人犯采石又檄淬回援建康淬將中軍戚方將前王瓌將後淬曰彼眾雖多然止有二十艘一艘不越五十人每至不過千人吾伏兵葭蘆翳蒼葢間俟其旋濟旋獲前後不

相知訖濟當盡獲矣杜克不從金兵遂犯板橋諸軍皆潰淬獨與戰勢窮力盡據胡床大罵刃交於胷而色不動與其從子仲敏俱死詔贈拱衛大夫明州觀察使官其一子一婿出宋史本傳

宋旅字廷寶第大觀三年進士累官奉議郎知剡縣方臘既陷歙睦杭衢婺五州且犯越越盜亦起應之縣吏多遁旅獨與民據守以忠義激勸部勒隊伍為豫備計俄而盜衆大至躬率壯銳冒矢石雖頗殺獲終以力不敵死之剡人悲哀為立廟帥劉韜上其事

詔贈朝散郎錄其四子出宋史本傳等書

方喜字良翰提舉臨之孫辟燕山工曹掾燕雲陷虜今一時陷沒者悉易告喜南望霄涕盡取出身文字焚之惟留承奉即告置衲衣中道梗不得歸給與講好防禦少弛喜變姓名携數穉間道逃歸抵廬江邊守以聞得旨特轉一官改差泉州監稅比還家鄉人環視嘆息以為換世人形之謔詩至比蘇屬國言其在燕十九年後通判廣州終于官龔參政有詩云八千里外望歸雲十九年間送落曛書至上林無別語孤臣有死不忘君出比事林興宗字景復父叢乾道二年進士知橫州興宗以

門蔭補官調泉州節度推官李全既降命興宗爲淮安州法曹遷淮安令未幾全復叛已而兵敗其妻楊氏俘南官以去興宗流落梅州膠西青社十餘年採拾橡橡以克饑或賣卜教小童以自給家人不知其存亡淳祐中趙葵在淮閩遣間物色得之興宗屢以帛書報虜機事庚子遂自拔而歸葵驗其縣印告身如故奏乞旌擢以勵臣節喬行簡等議置之朝列不果詔改宣議郎通判海州改淮安州乞解官追服母喪服除改通判廬州呂文德辟准西安撫叅議官改叅議湖南知南恩州在郡三年境內稱治擢知韶州

清約而豈弟以積勞致疾卒興宗豪爽磊落嗜義輕

財平生不爲身計例應轉秩賞皆耻自言喜爲詩在

兵火不廢自號全壁有集若干卷

出備志

卓得慶字善夫號樂山五世祖厚游洋人熙寧進士

崇寧間修樂書厚與討論卒官吏部員外郎祖成童

始徙居莆得慶登紹定五年甲科教授道州歷秘書

著作即兼沂靖惠王府教授左曹郎官以忤賈似道

出知漳州平畬寇次年嘉禾產一莖九穗最上賜詔

褒寵召還授兵部郎中兼國史院編修官實錄檢討

官不拜提舉雲臺觀德祐丙子以大理卿趣行辭以

疾景炎二年便旨除右文殿脩撰戶部尚書兼福建
制置司叅謀官是冬十月元兵逼城得慶與家人訣
曰柱傾維絕雖千百年何益寧前一尺毋却一寸與
其藏溝瀆而生曷若守家廟而死俄甲士至執得慶
并二子規權殺之黃仲元銘其墓稱為忠孝父子得
慶早以詞賦名晚深於易丞相江萬里深器之仲子
準承直郎監福州海口鎮

出彭志

林阮陳宋方林卓傳第四十一

鄭勳陳吉老傳第四十二

鄭勳字景周僊遊縣人嘉泰二年第進士知博羅縣
將改秩熊喬部下田戍卒焚掠惠城直抵其邑邑人
驚遁或勸勳避其鋒勳曰吾去如百姓何正衣冠坐
廳事以待之寇至諭以禍福不聽賊首迫以白刃勳
不為動罵賊不絕口遂死之時丞相崔與之侍郎李
昂英奉命招討以勳歿於王事聞于朝乞旌之以勸
忠義贈朝奉郎官其一子邑人思其遺愛為之立祠
靈跡甚著漕使以聞勅賜額惠澤

出岳志

陳吉老字子州先世許州人有名魯苗者為福州招

討使遂家候官繼遷僊遊祖浩父無逸舊名相繼登

進士第吉老以父任補官少通春秋三傳學孫兵兵

法慨然有志事功紹興初虜騎寇淮汀贛群盜竊發

辟吉老清流丞贛寇萬餘侵掠郡境吉老整衆而誓

士皆感奮大破之後以胡保鍾花之寇長子希造先

登死焉吉老忍痛悉衆長驅竟殲其黨比還郡將以

下迎勞為之惻然吉老笑曰馬革裹屍南八男兒古

人所慕大丈夫死患不得其所耳吾兒報國死又奚

足悲哉自是賊徒遠遁不敢犯汀界六邑爭像其父

于祠之陞本州別駕召除京東提刑收復宿亳徐海

四州入對陳練將卒廣儲蓄修城堡紓民力嚴策應

五事高宗諭曰且為朕緩懷京淮之民尋除揚州安

撫使賜鞍馬金帶御前大刀以寵其行吉老始至嚴

關渡之禁劄策應之法樽節郡計大修州城捐俸以

助其費又遣仲子希錫取延陵私租千緡市汀布以

為軍裝時韓世忠守楚州與吉老相厚善吉老奏乞

命世忠來相其後詔從之不數月而事集嘗書白太

夫人尹氏曰渾家飽煖盡是國恩萬一總師恢復自

當效節又書付希錫云吾萬一死於邊汝他日出官

不得取俸外錢謂之有例上負君父下辱祖先秦檜

當國力主和議吉老累疏爭辯其略曰講和之辱是
陛下為劉豫舉國為陪臣所約兩宮來期及許還關
陝諸路皆狡僮相調引決不可信乞罷斥奸檜專責
臣以恢復之期御筆褒答云卿奮武淮壻國勢增重
鄰壤震懾朕實賴焉未幾卒于官高廟聞之嘆息不
已累贈中散大夫出何志
希造字賢御以父蔭補官吉老教子詩書之暇必令
讀百將傳習騎射每曰今中原擾擾正臣子捐軀報國
之秋非文武無資未易了此虜陷京口希造年十六被
虜至北庭令其牧馬一日北師南向希造擇平時所調

御最良馬乘以歸父益竒之每目為定亂器調揚州
掾參紹興初侍父官臨汀每戰必居前鋒屢奏凱捷
明年賊又入寇希造乘勝而前策應不至戰没于义
竿口朝廷稱其忠節告詞曰朕恨失忠義之士殞身
賊手不得終於牖下肆加恤典并及其孤特贈承事
郎累贈奉直大夫出何志子光祖字世德以父歿王事
補官好儒重禮知英德府日上供泛輸幾倍光祖奏
蠲第四戶以寬民力瀘陽渡湍惡舟多覆溺更創巨
艦以濟廖德明行部嘆曰陳公可謂依本分君子也
尋改知邕州州歲市蠻馬給邊其峒有奉議坊者先

為措置官擅移其利於他峒遂開釁端互市不通光
祖以恩信招徠綱至溢數峒首李萬雄霸一方久為
邊患光祖密遣思明州誘而擒之梟以徇諸峒帖息
事聞特除廣東提刑光祖作欽恤編以戒僚屬新瀛
溪祠以崇教道又捐故錢三千緡以代給邕兵之廩
而凡一切無名之征悉蠲除之積官朝奉郎子沂自
有傳同邑又有陳大亨字文通紹興三十年進士為
人清勁歷五任貧無居室惟寓僧舍官至泉州通判

出僊給
志等書

沂字伯澡以父光祖蔭補官調利州推官郡倉受納

監官例取斛面沂笑麾之會州有梁龜從等寃獄太
守必欲寘之死沂力為爭辯囚得不死竟獲譴罷去
沂自弱冠侍官南遊始篤志紫陽之學徧參劉燭廖
德明李方子楊至諸先生之門而陳淳又沂所終身
卒業者凡一時及門之士皆推沂為嫡嗣繼復受書
易於蔡淵蔡沉若陳宓潘柄蔡和劉彌邵蔡模則皆
其交遊也平居以禮法自將喪祭一遵朱文公家禮
淳嘗為名其書室曰貫齋且為之記云

出僊
給志

陳勲陳吉老傳第四十二

薛林陳傳第四十三

薛奕字世顯興化縣人利和之從子也熙寧九年武舉第一是年徐鐸以進士第一神宗御製詩賜之有云一方文武魁天下四海英雄入彀中授鳳翔府都監遷正將元豐中銀川寨之役奕死之贈防禦使子安靖以奕死事補官靖康元年假河北制置使京城失守安靖降金知海州事紹興初乘間殺其守將王企中舉郡來歸高宗遣吏部侍郎傅崧卿賜以璽書其略曰身雖屈於羯胡心常存於王室總領義師擒滅醜類凡陷沒之郡聞風響應各籍土地奉上本朝

者實汝有以倡之也賜會稽田十頃以宗室女妻之
紹興五年除武節大夫業州刺史閣門宣贊舍人知

全州兼充本州沿邊溪洞事都巡檢使卒

雜出方志等書

林子立字伯與甫弱冠通經學為士類所推升貢辟

雍凡十二試俱中第二同舍贈以詩有云博陵公子

真文虎占斷儒官第二人登政和二年進士再調知

茶陵縣靖康元年詔諸道以兵勤王子立募集民兵

二千餘人率赴南道總管司至荆門遇胡騎接戰眾

寡不敵中流矢卒帥司上其事于朝

出岳志

陳自仁字克廣七世祖德字敏功仕唐為員外郎自

仁第宣和六年進士調吉州永豐縣尉屢捕盜有功

不肯自陳以廉節著建炎三年金虜犯洪吉州隆祐

太后護衛兵叛所過殺掠楊世雄梁世美等遂犯縣

境自仁集尉卒調民兵激以忠義戮力拒討兩分其

兵一自間道繞賊後一據險要以寡誘之見賊則偽

遁至所據與之合戰伏發於後夾擊之轉鬪逐北其

眾披靡會賊別將繼至兵疲援絕自仁與知縣事趙

訓之皆戰死郡上其事制贈通直郎官其子福孫

出岳志

郭徐彭龔鄭劉吳傳第四十四

郭義重

宋史無重字蓋誤

字處仁早遊太學以操尚稱年四

十餘客錢塘聞母喪徒跣奔歸每一慟輒嘔血家貧

其故人有所饋不受聚土為墳手時松竹而廬于其

傍甘露降于墓上烏鵲馴集郡上其事紹興十三年

詔旌表其閭於所居前安棹楔左右建土臺高一丈

二尺方正下廣上狹飾白間以赤仍植所宜木

宋史本傳

義重貌古心不雜視不過尋丈口不及時事其旌孝

時猶未婚與仕紹興二十一年始以特科奏名補官

右迪功郎潯州司法叅軍調德慶州錄事叅軍年六

十始娶以高年終鄉士大夫為立孝子祠而私謚為
孝節公述事四世孫道卿

道卿母徐病劇哀泣籲天祈以身代母尋愈後母以
高壽終景炎元年元兵至旁盜亦起道卿日抱母柩
泣曰兒在此無恐俄卒入至殯所失跌墮乃知其為
孝子也為白大將遺一矢為後卒戒俾無毀其家又
因盜至居人竄匿道卿與弟佐卿獨守義重孝子祠
不去遂俱被執盜將殺佐卿道卿泣告曰吾有兒已
長弟弱子幼請代弟死佐卿亦泣告曰吾家事賴兄
以理請殺我道卿固引頸請刃盜相顧曰汝孝門兄

弟如此吾何忍害兩釋之道卿年八十子廷煒字景
文為建寧路平準行用庫使歸侍養時兵禍猶未解
廷煒扶道卿出避賊倉卒相失哭水澍一晝夜有裨
校心哀廷煒為迹道卿舟歸之道卿嘗病疝危甚廷
煒憂悴扶護一夕髮盡白道卿卒疑死者兩日苦塊
中偶夢道卿並枕睡汗浹寤呼燭視之左頰生二黑
子與道卿肖號慟幾絕每夜三鼓即炷香悲哭烏亦
群集哀鳴芝產園中事聞武宗勅有司旌其門閭出雜

元史本
傳等書

徐膺字思文弱冠登名於禮部不報退念其母年高

不忍離因閉門讀書定省溫清無違禮俄而母病躬

侍湯藥不解帶既歿摧毀骨立卜葬于虎嘯巖負土

為墳廬其旁蔬食三年時陟巖顛焚香額天哀號震

地虎為遁去烏亦翔集甘露一再降既卒從父狀元

鐸題其墓曰有宋孝子徐公之墓出彭志等書

彭受為太學士親歿廬居墓側有白鵲之祥郡表其

居曰孝行卓異坊又有黃希閔提舉國鎮之子父歿

廬墓人號孤廬黃家出北事

龔垣初為泉州銅場從事調福建提舉司屬官父疾

不解衣帶不入房闥連丁家艱廬于墓側者凡六年

日食自鹽菜外無他嗜婦病還舍命醫自於戶限外

視之戴星還山亦未嘗自言蒲之善居喪自鄭闕清

爨後鮮有及之者出備志

鄭褒字成之希閔之孫應進士舉至輦下會詔罷去

遇王元之留褒俟秋而行褒曰褒有老母向之去數

千里別數百日者欲干名而顯親故雖遠且久若在

母左右今詔下將及闕吾母必計程以待遲一日即

貽母一日憂元之曰生有純孝足警世之為人子者

為之泣而賦詩曰褒也甌閩士文高行益修干名逢

詔罷歸計逼親憂鷗鳥終相狎公卿謾欲留刺桐花

下宅蘭蕙奉晨羞後登咸平第判福州以便行養

出比

劉洵直字子浩年十二父亡十六失母時已知苦學

篝燈几筵之旁號慟即誦書率至夜分嘗一夕族父

聞哭聲甚哀問故曰讀馬周傳至其言少失父母大

馬之養無所施為之悲感不能自止諸父奇之兩以

鄉舉試禮部為第七人登紹興二十一年第調永春

縣主簿秩滿授漳州教授終通判平江府贈金紫光

祿大夫子渠棠皆登進士第

出比

吳稟字可中父世寧客遊西蜀卒於渝川稟年未冠

家居聞訃日夕悲悼沿峽扶柩以歸舟危於旋渦若

有物負之者時號孝子

出何

郭徐彭龔鄭劉吳傳第四十四

陳傳郭黃許傳第四十五

陳亨運字俊民仙遊縣人性最孝父母繼歿廬墓三年常倚墓木而哭木為之枯鄉人張絃有詩曰生芻淨潔全清節老栢焦枯為孝思乾道間朝廷舉孝廉絃率鄉人白之縣令陳景肅以其名應詔亨運臥廬不起令不能奪餽粟帛以旌其孝

出僊縣志

傳孝明字起敬嘉定己卯秋母蔣氏疾篤孝明割股粥以進疾遂瘳陳侍郎謹書孝感二大字名其堂作詩以紀之令許伯翊偕同官載酒宴其母子盡歡族姪知循州大叢記其事王少卿邁為跋

出僊縣志

郭濟家貧至孝寶祐五年父病刲股以進病遂瘳庶
母病篤亦刲股者再鄉人以其事白之令趙與泌給
錢米以旌其孝

出僊
縣志

黃廓字大器興化縣人太常博士中庸之曾孫平江
令徹之子也事親孝之產于廬者三鄭夾涿樵爲文

紀之事

出比

許天麟字仁甫崇福里豪林人父應祥喜佛好施天
麟家甚裕病族人貧富不均闢居仁堂以處之又與
共爨平生事父甚謹會父疾憂鬱百方冠衣不脫及
卒古塊三年葬而廬墓側又三年扁墓亭以永思嘗

刺血寫佛經集千僧誦經以資冥福是日雷電四方
其繞壇五里天朗日明人以為孝感竹園柯舉白郡
守將聞于朝天麟曰彼雨此晴偶然爾吾何德哉夫
求聞于上者慕名也吾將爲名乎乃寢後生母蔡氏
卒送終廬護一如父死之日至正中年七十四一日
召子姓與語沐浴更衣書偈端坐而逝

出備
志

陳傳郭黃許傳第四十五

吳李林方傳第四十六

吳興屯田員外郎祭之從弟時號長官唐神龍中以家貲築延壽陂溉田萬有餘頃復陞海為田築長堤以障海水開溝大小六十餘條以導其流為泄六十餘所以殺其水時有蛟為孽堤數潰興毅然誓衆欲除其害遂攜刃入蛟潭斬之卒與蛟俱死潭中鄉人建祠祀之宋咸平初進士鄭褒為之傳紹興十九年郡守陸渙奏封義勇侯至今莆田稱水利比洋曰吳長官南洋曰李長者云

雜出趙志等書

李宏有唐裔也其先有因安史之亂避地來閩者遂

卜居候官之福星坊世雄於財宏輕財好施人稱為長者初永春仙遊二縣水合趨于莆入海言利者謂橫而堰之可灌田數萬畝治平間長樂錢氏女提金大如斗來據溪上流築陂甫成而壞繼而進士林從世捐貲十萬緡築溪下流亦壞熙寧八年宏應詔而來有僧智日者為相地於木蘭山下宏乃率衆錢七萬餘緡為之陂遂成乃開溝大小百有餘條以導陂之流作斗門以啓閉諸溝之水設涵泄以疏通斗門之所不及者復築塘為田由是莆南洋之田萬有餘頃皆賴以灌溉民食其利立廟於陂上春秋祀焉景

定三年詔封惠濟侯降璽書褒諭郡人夾漈鄭樵尚書林大彝皆有記今子孫居於廟之左右食宏之田以奉祀事官仍復其家又有吳諤者莆田人唐屯田員外郎祭之後初官司選土著大家食陂之利者輪差正副以司財穀以時巡視而脩治之時在選者十有四人而諤與焉

十四人者余氏三人朱氏七人陳氏林氏吳氏顧氏各一人皆莆田人吳即諤也

子孫繼是役者年有酬勞日有食錢蓋以先世有功於陂故特加優厚迄今猶然每歲春秋祭宏其十四人者皆得與享云

出岳志

弘治間邑人御史周進隆疏

於朝檄下本府縣春秋致祭

李富字子誠唐游擊將軍尚吳之裔也避武氏亂由
泉州南安徙游洋後復遷于莆之洋尾富好施與嘗
於郡境內造橋梁凡三十有四所出南郭五里許建
亭以憇行者凡二所又助郡庠之役築瀕海之隄前
後捐金錢累鉅萬以祈毋壽毋享年九十有八而終
人以為施與之應建炎初粘罕犯順富率義兵隸韓
世忠麾下授承信郎宣使張淵聞富材略辟充殿前
統制司幹官弗就辭歸養年七十八卒至今莆稱樂
善之士必曰李制幹云子三人廷輝保義郎廷耀承
務郎廷麟將仕郎出岳志

林國鈞字公秉早嘗游場屋率不利自三舍法罷遂
不復有仕進意高宗朝以其子嘗由里選版授迪功
郎加承議郎賜緋衣銀魚致仕國鈞為人好施與務
以積陰德為心聞鄉鄰之貧乏者取貲財濟人投諸
暗中以助之不使其或知也嘗建紅泉義學延族子
光朝為師置義田以贍四方從學之士白湖去城三
二里舊有浮橋紹興初更造石橋一時有力者又欲
移建於木蘭陂下謂是處江流且縮而兩隄突起國
鈞以為此說正相反惟江濶岸平則無喧逐撞擊之
患遂傾貲倡眾以相其成又伐石砌抵城之踞凡二

十餘里年九十齒髮落而復生作亭名曰回年陳俊卿為書其扁因以自號既歿光朝銘其墓子二人充南安軍司戶參軍褒建寧府司法參軍孫恂如少嘗從光朝學後選莆舊家十四人為木蘭陂正副而恂如與焉詳見李完傳持誠秉公以民事為已事陂南岸隄決數十丈恂如傾貲殫力而修築之水以無患至今與十四人者並配饗李宏之祭而子孫亦世食酬勞之利云出岳志

方祐字天貺慎從之曾孫也為人恭約好禮嗇已厚人高價買產賤價糶廩值荒歲則傾困無吝色每幅巾野服徜徉道旁野叟村童歡喜出迎曰長者來矣饑食寒衣病藥死棺人人滿意有持䟽以橋道請者靡不遂其求若延壽迎僊二橋脩建皆厚施之其孫萬少時讀書至已所不欲勿施於人祐語之曰此吾平生受用得力處小子識之祐之存心如此故時人以長者稱之葬福平山後人又因以福平長者為號云出其玄孫大琮所記遺事

吳李林方傳第四十六

吳漢文南傳四十六

六碑如...

公...

平...

元

陳朱顧黃傳第四十七

陳旅字衆仲父子脩號博古時朝廷遣使購鄭樵通

志略得寫本蓋使方廣翁家廉訪使孫澤屬子修與

同郡鄭鉞共校讎之盡復樵聯比詮次之舊上於朝

廷鉞於學官兄震亦有文行由教官歷泉州踞經歷

同安縣尹終福清州知州致仕卒出名公旅幼孤資

稟穎異其外大父趙氏學有源委撫而教之旅得所

依篤志於學於書無所不讀稍長負笈至溫陵從鄉

先生傅古直游聲名日著用薦者為閩海儒學官適

御史中丞馬祖常使泉南一見竒之謂旅曰子館閣器也胡爲留滯於此因勉游京師既至翰林侍講學士虞集見其所爲文慨嘆曰此所謂我老将休付子斯文者矣即延至館中朝夕以道義學問相講習自謂得旅之助爲多與祖常交口游譽於諸公間咸以爲旅博學多聞宜居師範之選中書平章政事趙世延又力薦之除國子助教居三年考滿諸生不忍其去請于朝再任焉元統二年出爲江浙儒學副提舉至元四年入爲應奉翰林文字遷國子監丞卒旅於文自先秦以來至唐宋諸大家無所不究故其文與雅峻潔必求合於古作者不徒以徇世好而已有文集十三卷旅平生於師友之義尤篤每感虞集爲知己其在浙江時集歸田已數載歲且大比請于行省親奉書幣請集主文鄉闈欲爲問候計乃衝冒炎暑千里訪集于臨川集感其來留旬日而別惓惓以斯文相勉惓然若將永訣焉集每與學者語必以旅爲平生益友也一日夢旅舉柩相向曰旅甚思公亦知公之不忘旅也但不得見耳既而聞旅卒集深悼之

元史本傳

鄭杓字子經僑之玄孫寅之曾孫與陳旅爲文字友

嘗著春秋解義表義覽古編次夾漈餘藪樂府又有
衍極五篇衍極記載三篇

衍極書專評字書吳康齊與弼
謂考論文字之學此為最正

尤善大字碑南安縣儒學教諭福建宣撫使齊伯亨
嘗采其所著衍極書上之子燁字宗晦至正末為福
清州龍江書院山長洪武中辟興化縣儒學訓導天
才逸出八分書能世其學云

出倫志

朱文憲字元道登至治四年進士授建寧縣尹有惠
政及人遷汀州路推官陞福建等處儒學提舉以泉
州路總管致仕卒文憲居官行事多有可稱尤博學
善屬文有葵山集宋景濂為序稱其言醇而理彰子

濂洪武初進士第任兵馬大使

出舊志

顧長卿字子元祖孺俊與兄孺履同第宋嘉定四年
進士長卿少有志經傳子史無所不闕人目之為書
厨應部使者薦歷安溪南平兩縣學教諭福州路教
授長卿雖居官不廢脩讀所得俸專為著述費移書
助教陳旅責其不作遼金宋三史旅以書示學士虞
集曰江南有此秀才大不易得既而長卿恐旅未能
任此遂自為之及謁選京師會朝廷開局脩三史長
卿即以所著藁上中書得辟史屬以議不合移疾出
又以朝廷郊祀禮成進南郊慶成頌一十五章不報

所著三史頗希世不嚴華夷正閏之辯而書遼金之事皆與漢唐宋並例故其書竟無傳云出事

黃方子字潛剛洎之後慨然以家訓世德為念博學強記汲汲於其所欲為者嘗攝武城縣學職禮部尚書宋本以使事至莆見之驚喜還朝將論薦之會本病卒不果方子好著書有東家書目載所著書數十種然所說多異朱子故不為人所尊信云出近記

陳朱顓黃傳第四十七

陳劉方林傳第四十八

陳紹叔字克甫唐御史大夫稜之後也其先世居大浮山之西曰西陳後有析居金沙者故紹叔為金沙人而猶以浮丘為號學者因稱為浮丘先生紹叔幼好學博覽群書洞達性理終日危坐一室俯而讀仰而思有得則喜而不忘或中夜起爇燭書以識之從游日衆則教以篤行謹信為先文辭問辯為後嘗為學者說書璣衡遂揉木為儀象以示之既而鑄銅倣古制又別制器象天體虛其中而縣之上刻周天度數而以鈿螺填之揭南北二極凡天河星宿皆列其

名其色絢爛使夜視之與天象合圍四尺五寸有奇極其精微名曰小天由是名重當時有欲白之郡府表章于學有勸達于朝者紹叔皆謙不敢當至於河圖洛書太極通書律曆制度靡不研究有外集百餘卷題曰浮丘集歷代紀年大元官品競辰切字擇日又若干篇諸子百家之書咸覽誦而考訂之圖中庸大學周易於東西壁浮丘書室之左為尊經閣以虔奉先聖身未嘗衣絲帛深衣大帶以為常所居僻陋處之澹如也有田數十畝供饘粥而已母家不振有喪莫能舉紹叔負土立石表以鄭塚有詩曰土堆埋

玉起愁雲立石栽松洒淚痕敢效大夫題鄭塚竟遺一女嫁陳村石田茅屋誰為主麥飯茶盃外有孫寄語耕犁莫相及免教過客見銷魂孝友之心類如此其居鄉與人言必稱孝弟忠信言語平易使人易曉忽一日思其親友遍至其家既而得疾越七日卒年

七十有一

出林以順所著墓誌銘

劉有定字能靜其先與夙朔同出元豐進士似之遠孫也少貧性徑直不嗜榮進沉潛志學與溫陵趙伯暉遊而陳旅鄭杓輩皆其友也工於詩嘗著原範吟三十七章論易通學者因稱為原範先生司業吳源

謂原範吟推闡圖書之秘發揮象畫之妙究極先後
體用之所以然乃知此老胸中有一部全易也又作
泮宮嘆百韻以譏議路教葉應禮又嘗箋解杓所著
衍極書五篇皆梓行于世

出人物備志

方德至初名臨生以字行公權之孫也擢元至正十
一年第為人敦厚不妄言笑家甚貧教授生徒以為
養而與其妻廖氏相安於窮苦澹泊之中後廖氏雙
盲父母欲去之臨生感然婉諫曰婦無故奈何去之
其他行事亦多有足尚者授官永嘉縣丞代歸不及
再叙卒

出事

林以辯字子泉積仁之後祖應成字汝大嘗受學於
黃績得潘柄陳宓之傳咸淳中與長子棟同登第歷
官宗正寺簿宣撫司機宜宋亡不仕父栖贈曲陶郡
伯以辨通易書春秋尤善說詩皇慶中詔以科目取
士以辯不苟求合究心程朱之學福泉之士爭聘為
師方在泉山一日促歸未浹旬卒朱文憲稱其明死
生之際云

拙事

弟以順字子木擢至治元年第廷對不諱幾黜左丞
張士瞻直之收寘榜末除海寧丞調慶元縣尹縣有
弟殺兄陰以賂免以順發其獄誅之移浦江尹平反

死獄新作夫子廟秩滿改台路推官總管焦昂建招
安海寇之議以順沮之慮以姑息亂天下後果如其
言陞江西儒學提舉改知福清州時元政失經豪強
橫起海港中劫殺尤多以順漸收除之亦思巴奚之
黨監福清州為衆所殺其酋賽甫丁擅省政囚以順
酋敗去乃得歸尋除同知福州路總管府事致仕出述

陳劉方林傳第四十八

莆陽文獻列傳

國朝

吳源傳第四十九

吳源字性傳曾祖鳳舉博學多才第宋咸淳元年進
士歷官貴州司法封州教授至宗學博士入元故官
例逼授府縣之職鳳舉亦強起知興化縣數月辭歸
扁其堂曰修初以見志源早孤自知力學通諸經尤
深於易惇禮好義學士大夫皆推下之至正末舉泉
州路訓導

太祖皇帝洪武三年復以明經授興化教諭遷府學

教授十三年以薦特賜詔徵之其略曰朕聞君天下以圖治為本安黎庶以得賢為先故令百司各舉所知今中書舍人林延綱薦爾學精德邁智志過人特遣使齎符命有司禮送至京朕當試用焉於是與杜敷龔敷趙民望李祐俱應召至命為四輔官兼太子賓客位列公侯都府之次屢降制諭欲其均調四時繼令各司春夏季上中下旬而源則司夏季中旬每講明治政必以得賢才敦教化養黎元為圖治之本甚見嘉納

上問遊東苑命五人侍相與聯句為七言近體詩一章

上先倡首句曰踞盤龍虎肇豪英五人者遂繼之曰

五色卿雲炫日明臣杜敷王氣瑩然垂景象臣源民風樂

爾見昇平臣龔敷山河百二金陵最臣民望宇宙千秋帝

業成臣祐上復繼之曰暗憶六朝興替事臣杜敷遂

足之曰禎祥未盡又加禎詩成上呈恩禮優裕冠于

一時源尋以老歸明年上念其賢復賜詔曰曩者

朝臣薦卿學行是用召卿至廷官以四輔而卿告年

老難於步趨遂命還鄉今者朕選公侯子弟入國子

學司業缺員生徒無所矜式卿其為朕一來講道授

經無筋力之勞而有成就後學之益亦儒者之素志

其速來勿有所讓源復赴京授國子監司業未幾卒
于官出彭從語姪陽保舉鄉薦為國子博士陽保之
孫昭成化戊戌進士官終廣西按察副使

吳源傳第四十九

林圭陳賢傳第五十

林圭字信玉曾祖棟與其父應成同第宋咸淳進士
祖岡孫與其弟以順聯登元延祐至治進士稱為聯
桂林家父師說蔭授縣尉洪武初圭舉明經為莆庠
訓導陞寧國教諭滿九載以科第不及數復教其邑
勤於為教風雪不廢其去也諸生塑像學宮祀之居
儒官三十餘年前後六為考試官永樂間應召脩大
典以老請賜冠帶致仕圭治經有師法工古文詞推
重一時達官至莆者必禮其廬鄉後進多問業焉平
生篤倫紀敦道誼元季兵起祖母方避難山中與兄

璜琿璵繼沒圭辛苦負葬并葬其從父兄外父母凡
幾喪孤幼盈室撫教成立及致仕歸視其子教諭乾
於如臯經蘇杭遇道殣善視之與同食飲其人賴以
全活年九十四而終雜出一統志等書林為莆望族久而可
徵者惟忠臣蘊之後最盛岡孫之孫琿璠璵皆起儒
術璠為桂林知府琿璵並郡縣學職諸孫泰吳川知
縣以順之孫曾洪武甲戌進士官終廣東僉事有廉
名圭之孫宗越皆舉鄉薦宗蘄州學正揚州教授有
師道蘄人祀之於學宗之孫俊成化戊戌進士歷官
刑部尚書今以太子太保致仕其學行風節別當立

傳侃僖同舉鄉薦侃終南雄通判僖終壽州知州俊
之子遠正德甲戌進士今為南京吏部郎中

陳賢字廷傑靖之後兄觀陝西叅政賢洪武末舉儒
士為興化訓導秩滿遷南康教諭求樂中召入館閣
預修大典改任湖口致仕賢為人嚴毅方直安貧好
古其學以躬行為先雅志恤物勤心職事及門弟子
成就者衆號為古道先生湖人塑像於學沒因以祀
之泰和楊文貞公士奇為墓表稱其士行可質於神
明蓋實錄云出彭志子淮以孝行稱
淮字巨淵幼有至性在父母側必親視膳服有疾侍

湯藥頃刻不離永樂間賢官南康淮隨任每日鷄鳴而起孳孳承志所須皆先辦洪熙元年賢告致仕卒于京師淮迎柩歸至寧化次于河許夜宿柩旁岸多虎或使避之淮曰吾父在此竟不去夜大雨懼河溢柩且歿撫柩呼號雨忽止姊嫡母方出有贅婿方欲析居淮重違其情涕泣引咎遜姊腴田美器而取其棄餘母乃悅復許同爨淮後為國子生值限年例衆謀為減年籍淮曰籍可減心不可欺也寧黜而歸置義塾訓鄉子弟家門肅睦遠祖僕射靖墓被人侵毀淮焦苦十餘年百計陳懇上官卒復之縣上其孝卒年八十三子大同亦有孝行出彭志林司寇見素題其居曰述孝里

林圭陳賢傳第五十

方徵林仕敏林長懋傳第五十一

方徵字可久大琮六世孫洪武五年中鄉試遂授給事中兼齊王府錄事蒞官恒思效職志節甚偉

太祖皇帝一日晚朝謹身殿退顧徵問知有母在次日賜白金五十兩給驛歸省嘗奉旨廣西徵行政監

察御史月餘陞懷慶知府時因星變求言徵條上數事首言風憲官以激濁揚清為職今乃計其事績多

寡定為優劣故不聞旌拔廉能專務羅織人罪多徵

賍罰此大患也又言朝廷賞罰明信乃勸懲之道去年各行省以用空印罪其官吏而河南參政安然山

東叅政朱希俱有空印反皆陞為布政使其何以示
勸懲哉其餘皆關係時政上諭旨安然率齊東海軍
民內附朱叅政鄉里舊人有才幹故議功議能而擢
用之且爾言羅織人罪者何人多徵贓罰者何官宜
其實以聞徵言如河南僉事彭京不坐被告知事于
觀而逼令招贓攀人出金二十兩銀一百兩代納此
臣所知者坐是降沁陽驛丞十三年以事逮至京卒
年三十二嗣子璿舉鄉貢任諸暨訓導出彭志
林仕敏名世懋以字行祈五世孫也父善同工詞賦
弱冠魁堂試尋領鄉薦第七授泉山書院山長元社

既屋遂不仕洪武初例起閒良官以祖母年老辭既
而復起之行至建州寄所作顧氏義妾詩有有妾猶
知遵禮義此身那肯負綱常之句竟死於道仕敏幼
端重閨爽善詩文洪武二十六年領鄉貢入太學明
年署大理少卿尋授戶部郎中以言事貶南丹衛軍
吏永樂改元擢拜南康知府寒暑衣服取給於家屬
郡蝗仕敏率屬罪已懇禱翼日蝗盡飛去以母憂去
官服闋改知淮安府清介愈厲時部臣至淮銜仕敏
與之抗禮乃以不防水患劾之貶南寧府鎮鄒巡檢
以捕盜功不願陞遷改宜興縣教諭所著有芹邊集

匡廬小稿子勤由鄉貢歷任奉新教諭以學行稱

出彭志

林長懋字景時蘊之後父獻中泉州府學訓導長懋

永樂三年舉鄉試除南昌教諭陞青州教授十八年

擢翰林編修侍 皇太孫讀書洪熙時轉春坊中允

長懋以老成自處凡小愆違多所匡救 仁廟崩從

臣寇從東宮赴京長懋不便鞍馬乃以舟行既至

宣廟已即位從臣皆進官長懋陞知薛林州因上言

官僚遷擢同異者數人且言二弟一為部屬一為監

生路遙毋孤願降繁難京職積忤下錦衣獄一繫十

年溫習不廢 英廟登極遇赦之官以恩信撫下自

奉清儉朝夕食惟鹽菜人因呼為林鹽菜年六十卒

於官無子長懋為人剛嚴狷狹非其人不交往僚友

間少不合輒面斥其過族人戶部郎中定以吏胥進

絕不與通性耽書手不釋卷為文質而有味

出彭志弟

適節永樂乙未進士授刑部主事長懋下獄時調平

樂通判遷知瀘州以賢能著稱奉勅陞鶴慶知府以

母喪解官卒于家

出一統志

方徵林仕敏林長懋傳第五十一

陳繼之陳彥回傳第五十二

陳繼之涵頭人革除庚辰進士授戶科給事中以江南僧道多占腴田蚕食百姓乃奏僧道人給田五畝餘以賦民從之時靖難師起繼之間有建白輒肆指斥洪武三十五年六月京師平與太常寺卿分宜黃子澄兵部尚書漂水齊泰戶部侍郎定遠郭任翰林侍講寧海方孝孺等俱族誅

出彭志

陳彥回龜塘人父立誠洪武初舉秀才再除歸安縣丞以罪被刑家屬謫戍雲南之臨安至蜀遇赦無資以歸時同縣黃積良知定遠縣收彥回為其家人因

改姓名曰黃禮會閩中教諭嚴德政以彥回明經舉保寧訓導九載考績

太祖親擢為平江知縣洪武戊寅高廟晏駕彥回捧香進京師給事中楊惟中等舉彥回文學廉幹宜加擢用陞徽州知府丁祖母郭氏憂徽民汪侃等百餘人詣闕奏留未報庚辰春彥回乃疏其改姓歷官情罪首實于朝乞正名籍得宥為民尋有旨復其原官留治郡事明年三月復蒞徽逾年會北兵起彥回召募義勇赴援壬午詔械送京師棄市出府志陳繼之陳彥回傳第五十二

林環楊慈傳第五十三

林環字宗璧後塘人唐九牧葦之後幼倜儻不羈聰慧過人凡閱書多成誦下筆成章方在泮時文章已為人所重求者相踵永樂四年廷對第一授翰林修撰明年陞侍講預修永樂大典為書經總裁官兩考禮闈會試嚴名籍甚十三年扈從巡幸卒于北京年四十環負材學曉世務特為

文廟所器一時儒碩亦厚望之迨沒無不悼惜焉弟

珪亦有文行舉泉州府學訓導

出彭志

子繼舉鄉貢為

考城教諭珪子思承第景泰五年進士選為御史辭

弗就除冀州知州州有蕪田二千頃歲賦如常民益
流徙思承率同官奏蠲其半漳河數為州患增築堤
堰以禦之延袤百餘里選部郎中陳雲之弟佐冀屬
邑毆殺平民思承被委驗治或為祈免歎曰以人命
媚人惡在為民父母卒正其罪滿九載民詣闕留之
不果從遷淮安府督糧同知年未六十引疾致仕歸
幾二十年年七十九卒彭司寇從吾銘其墓稱其為
廉退君子云孫偃偁同舉鄉貢偃黜縣教諭偁國子
助教思承子茂達弘治十五年進士今為四川布政
使偁子種植皆舉鄉貢種瑞金知縣禎宜春教諭出府志

楊慈字惠叔城右人伯父寶壽陽知縣慈少孤性穎
悟不甚讀書為文間有論辯屢出人意表凡所賦作
操筆立就蓋天才絕高非學力所能至也永樂六年
鄉試第一明年會試第二九年廷對第四選翰林庶
吉士是年七月卒年才三十慈軀幹豐偉志氣軒昂
恒以科第文詞為儒者末事人惜其早夭有文集五
卷孫元以鄉貢授休寧教諭雜出一統志等書

林環楊慈傳第五十三

Vertical text columns on the right side of the page, including a large, dark, illegible mark or stamp.

Vertical text columns at the bottom of the page, appearing as faint bleed-through from the reverse side.



